

三國志通俗演義

人民文學出版社



2 039 9974 4

三國志通俗演義

羅貫中著

人民文學出版社  
一九七五年·北京



100-10776

三國志通俗演義卷之十九

目錄

孔明秋夜祭瀘水

孔明初上出師表

趙子龍大破魏兵

諸葛亮智取三郡

孔明以智伏姜維

孔明祁山破曹真

孔明大破鐵車兵

司馬懿智擒孟達

司馬懿智取街亭

孔明智退司馬懿

三國志通俗演義卷之十九

晉平陽侯陳壽史傳

後學羅本貫中編次

孔明秋夜祭瀘水

却說孔明平定蠻邦班師回國時值九月秋天蠻王孟獲率引大小洞主酋長及諸部蠻夷皆羅拜相送前軍至瀘水忽陰霧黑雲四下布合狂風沙石從水面而起兵不能進回報孔明孔明遂問孟獲獲曰此水原有猖神

作禍。往來者。必須祭之。孔明曰。用何物祭享。  
獲曰。舊時國中因猖神作禍。用七七四十九  
顆人頭。并黑牛白羊。以祭之。自然風恬浪靜。  
方纔渡之。更兼連年豐稔。孔明曰。吾今事已  
平定。安忍又殺生靈耶。吾不為之。遂自到瀘  
水岸邊。果見陰風大起。波濤洶涌。人馬皆驚。  
亦不能渡。孔明甚疑。即尋土人問之。不時老  
少數十餘人。皆來告說。自丞相經過之後。夜  
夜只聽得水邊鬼哭神嚎。自黃昏直至天曉。

哀聲不絕。瘴烟之內。陰鬼無數。因此作禍。無人敢渡。孔明曰。此乃吾之積惡也。舊時馬岱引蜀兵數百。皆死於水中。更兼殺死蠻兵數多。盡棄於水中。狂魂怨鬼不能解釋。以致如此。吾今晚自當祭之。老人曰。須依舊例。可殺四十九顆人頭以祭之。則怨鬼自散也。孔明曰。吾班師回國。安可妄殺一人。吾自有主見。喚行厨宰殺牛馬。和麪為劑。塑成人頭。內以牛羊等肉代之。名曰饅頭。傳至今日出事物紀原

當夜

於瀘水岸上設祭。亮金冠鶴氅。親自臨祭。令董厥讀祭文。其文曰

維大漢建興三年秋九月日武鄉侯領益州牧丞相諸葛亮謹陳祭儀享于故後王事蜀中將校本土神祇及蠻夷亡者陰魂曰昨自遠方侵境異俗起兵縱藪尾以興妖恣狼心而逞亂且我大蜀皇帝威勝五霸明繼三皇定乾坤於戰場之中立社稷於干戈之內一自蠻夷罔窮天道來叩皇

風。吾奏君王。請三軍暫別龍駕。諸公祖餞。  
棄六親遠辭家國。於是問罪南蠻。莫不逢  
山開路。息浪為橋。大舉貔貅。將除蠭蟻。大  
軍雲集。狂寇冰消。纔聞破竹之聲。便是失  
猿之勢。但士卒兒郎。盡是九州豪傑。將校  
官僚。皆為四海英雄。習武從戎。投明事主。  
莫不同伸三令。共展七擒。齊堅奉國之誠。  
並是忠君之志。何期汝等偶失兵機。緣落  
奸計。或流矢所中。魄掩泉臺。或鎗劍所傷。

魂歸長夜。志堅忠孝。命終於刀斧之前。正直奉公。骸棄於塵埃之內。生則有勇。死且成名。今則凱歌欲還。獻俘將及。汝等英靈尚在。所禱必聞。隨我旌旗。逐我部曲。同回上國。各認本家。受骨肉之蒸嘗。領妻子之祭祀。莫作他鄉之鬼。徒為異國之魂。當念親姻泣哭於朝昏。子女嚎啕於旦暮。吾奏皇帝。使汝等各家盡霑恩露。年年請給衣糧。月月不絕俸祿。用茲彌答。以慰汝心。父

子傳孫名題蜀史。今則聊表丹誠。陳其祭祀。各領酒食。共享一食。依此靈旛。隨我歸國。嗚呼哀哉。伏惟尚饗。

董厥讀畢文。孔明放聲大哭。痛切不已。情動三軍。無不下淚。蠻貊之人。盡皆大慟。只見愁雲怨霧之中。隱隱有數千鬼魂。皆隨風而散。於是孔明令左右將祭物盡棄於瀘水之中。次日孔明引大軍俱到瀘水南岸。但見雲收霧散。風靜波平。因此蜀兵盡渡了瀘水。果然

鞭敲金鑼。人唱凱歌。行到永昌之時。孔明留  
王。仇呂凱。以守四郡。分付孟獲。勤政馭下。善  
撫居民。勿失農務。便回蠻邦。孟獲拜別而去。  
孔明引大軍而回成都。後主整排鑾駕。出廊  
三十里迎接。操知丞相至近。後主遂下輦。立  
於道傍。候孔明如事父。孔明慌忙下車。伏道  
而言曰。臣不能速平蠻方。使主上懷憂。臣之  
罪也。後主扶起孔明。並車而回。大設太平筵  
會。重賞三軍。蠻邦進貢來者二百餘處。皆厚

待之重賞護送各還本國孔明奏准後主將  
歿於王事者之家一一重賞西蜀之地年豐  
歲稔人心懽悅萬物咸寧却說魏主曹丕在  
位七年乃黃初七年即蜀之建興四年也丕  
先納夫人甄氏極有顏色乃中山無極人也  
上蔡令甄逸之女自三歲失父建安中袁紹  
知其美娶與中子袁熙為婦熙出鎮幽州丕  
父曹操打破鄴城丕見甄氏之美遂納為妻  
後生一子名叡字元仲自幼聰明丕甚愛之

後丕又納安平廣宗人郭永之女為貴妃。此女極美。其父曰。吾女乃女中之王也。故號為女王。自從丕納為貴妃後。因甄夫人失寵。郭貴妃欲謀正宮。却與幸臣張韜商議。時丕有疾。郭貴妃令張韜刻一桐木偶人。上書丕年命。妃却呈於丕。言適於甄氏位下。掘得此物。係魘鎮陛下也。丕見之。大怒。不究其真假。將甄夫人勒死於冷宮。遂立郭貴妃為后。因無出。養曹叡為己子。雖甚愛之。不立為嗣。時叡

年一十五歲。弓馬熟閑。當年春二月。不帶麌。出獵。行於山塢之間。趕出子母二鹿。丕一箭射倒母鹿。丕回視小鹿。見卧於曹麌馬下。丕大呼曰。吾兒何不射之。麌在馬上泣告曰。陛下已射其母。臣安忍復殺其子也。丕聞之。擲弓於地。曰。吾兒真乃仁德之主也。遂立麌為齊公。後改為平原王。夏五月。丕感傷寒。百家醫治不可。乃召中軍大將軍曹真。鎮軍大將軍陳羣。撫軍大將軍司馬懿。此三人乃掌國

家重大之事。皆入寢宮。不喚曹叡至。乃與曹真等曰。今朕病已沉。多是不痊。此子年幼。卿等三人。可以輔之。勿負朕心。三人皆告曰。陛下何故出此言也。臣等願竭力以事陛下。千秋萬歲。丕曰。今年許昌城門無故自崩。乃不祥之地。朕故知其死也。忽征東大將軍曹休。入宮問安。丕曰。卿等四人。皆國家柱石之臣也。今已在。此朕有何慮耶。言訖。墮淚而崩。時年四十歲。歿於洛陽宮嘉福殿。在位七年。

後晉平陽侯陳壽評曰

魏文帝。天資文藻。下筆成章。博聞強識。才藝兼修。若加之曠大之度。勵以公平之誠。邁至存道。克廣德心。則古之賢主。何遠之有哉。

又史官孫盛評曰

魏王處莫重之哀。而設享燕之樂。居貽厥之始。而墮王化之基。及至受禪。顯納二女。忘其至恤。以誣先聖之典。將何以終。